

UCAPAN PERDANA MENTERI DI MAJLIS PERAYAAN
ULANGTAHUN KETIGA PULUH SATU MCA, DI HOTEL
HILTON, KUALA LUMPUR PADA 27^{HB} FEBRUARI, 1980
1980

Yang Berhormat Encik Tan Koon Suan, Pengerusi Jawatankuasa Pengelola Perayaan, Yang Berhormat Datuk Lee San Choon, Presiden MCA, Yang Amat Berbahagia Tun Tan Siew Sin¹, Yang Amat Berbahagia Tun Omar Ong Yoke Lin², Yang Berhormat Menteri-Menteri dan Timbalan-Timbalan Menteri, Ahli-Ahli Jawatankuasa Kerja Pusat MCA, Pemimpin-pemimpin parti Komponen Barisan Nasional, Tuan-tuan dan Puan-puan sekalian.

Saya mengucapkan berbanyak terima kasih kepada YB Datuk Lee San Choon, Presiden MCA, kerana sudi menjemput kami berdua ke majlis yang permai ini dan memberi penghormatan-kepada saya berucap sepatah dua kata kepada para hadirin yang mulia.

Saya mengucapkan tahniah kepada MCA yang menyambut ulangtahunnya yang ketiga puluh satu. Semenjak ia ditubuhkan pada tahun 1949, ketika negara menghadapi ancaman darurat, kekuatan MCA telah bertambah dari masa ke semasa dan ia telah memainkan peranan yang berkesan dalam hal ehwal politik negara. Peranan ini telah dimainkan bersama dengan UMNO dan MIC dalam Perikatan dan seterusnya sebagai sebuah parti komponen Barisan Nasional. Sepanjang perjuangannya, MCA telah berpegang teguh kepada dasar perpaduan dan kerjasama antara kaum.

Sekalipun terdapat juga rasa tidak puas hati, tetapi pada hakikatnya, MCA telah berjaya memelihara kepentingan rakyat keturunan Cina di negara ini. Peranannya dalam penggubalan Perlembagaan Persekutuan yang sekarang ini menjadi asas penting sistem pemerintahan dan pentadbiran negara, telah meletakkan masa depan yang lebih terjamin bagi rakyat keturunan Cina, serta membolehkan mereka menyertai dengan lebih giat dan luas lagi dalam bidang pentadbiran, pelajaran, politik dan ekonomi negara.

¹ Presiden MCA (1964-1974).

² Yang di-Pertua Dewan Negara (1974-1981).



YAB Dato Hussein Onn diiringi oleh Datuk Lee San Choon (Presiden MCA) sedang bersalaman dengan ahli-ahli MCA semasa menghadiri Majlis Makan Malam Perayaan Ulangtahun Ke 31 MCA di Hotel Hilton, Kuala Lumpur pada 27hb Februari, 1980.

Sesungguhnya, generasi muda rakyat keturunan Cina hari ini haruslah menghargai sumbangan yang telah diberikan oleh pemimpin MCA yang ada sekarang ini dan juga pemimpin-pemimpin yang telah lalu. Semangat pengorbanan, dedikasi dan persefahaman pemimpin-pemimpin inilah yang telah menghasilkan kejayaan cemerlang MCA selama ini. Rakyat keturunan Cina sewajarnya merasa bangga serta bersyukur di atas kesan dan faedah yang telah mereka perolehi dan nikmati, iaitu hasil usaha MCA dan penyertaan MCA dalam Kerajaan selama ini.

Sejak negara mencapai Kemerdekaan, Kerajaan yang dipimpin bersama oleh UMNO, MCA dan MIC, serta seterusnya oleh Barisan Nasional, telah berjaya melaksanakan berbagai dasar dan rancangan pembangunan dengan tujuan menyatupadukan rakyat berbilang kaum di negara ini, serta dengan tujuan supaya semua golongan dapat menikmati kemakmuran negara, keamanan dan kesejahteraan. Dari Rancangan Pembangunan Lima Tahun Pertama, kita kini hampir tamat melaksanakan Rancangan Malaysia Ketiga. Persiapan dan persediaan sedang giat dijalankan bagi menyusun Rancangan Malaysia Keempat yang akan dilaksanakan mulai tahun depan.

Ladies and Gentlemen,

From the moment we achieved independence, our country has seen and experienced continuous change. At the time of Merdeka, our people's enthusiasm for change, enabled us to set aside our differences so as to pursue a vision of a united, proud and prosperous nation, in which every citizen has a meaningful role to play. Looking back over the past two decades of independence, we can justifiably be proud of the progress and prosperity achieved so far. However, today, the enthusiasm for change, which gave our nation its dynamism, is being threatened by the feeling of uncertainty among some of us, towards change itself.

The past two decades, is but a small step in our nation's history. The process of change will continue on until we realise our vision of a truly united, proud and prosperous nation. Change is not only inevitable but it is also necessary. Change may cause uncertainty but the uncertainty of change is far more preferable to the certainty of failure in our nation building efforts if we now hesitate in our endeavour. This feeling of uncertainty and resistance to change

will only mean that some of us will be left out of the mainstream of Malaysian life. The process of change waits for no one and if we continually resist it, we will be left behind.

Tuan-tuan dan Puan-puan,

Akhirnya, saya ucapkan MCA selamat maju jaya. Dengan ini, saya menjemput para hadirin sekalian bangun dan minum ucap selamat kepada kejayaan dan masa depan MCA.